

Položaj posuda za smeće uz građevine individualnog stanovanja mora riješiti na odgovarajući način unutar parcele svaki njen korisnik.

Posude za smeće na javnim površinama postaviti samo na osnovu programa odgovarajuće komunalne organizacije.

Saobraćajni znaci, stubovi za javnu rasvjetu i drugi slični objekti ne mogu se postavljati na pješačkim površinama.

Zračna mreža za elektro i PTT instalacije mora se uskladiti sa hortikulturnim rješenjem Plana.

Odnos prema postojećim građevinama

Član 19.

Postojeće građevine koje se zadržavaju ovim planom mogu se rekonstruisati, dograditi i nadograditi isključivo u smislu poboljšanja uslova stanovanja, higijensko-tehničkih uslova i standarda življenja.

Dogradnja postojeće građevine može se odobriti pod uslovom da koeficijent izgrađenosti parcele ne prelazi 0,6 i da se zadovolje odstojanja od građevinske parcele i razmak između građevina na način utvrđen ovom odlukom.

Nadogradnja postojeće građevine može se dozvoliti pod uslovima da s spratnost objekta ne povećava više od (suteran, prizemlje, mansarda).

Građevine, na kojima se vrši nadogradnja, moraju zadovoljavati konstruktivno seizmičke uvjete.

Postojeće građevine predviđene za rušenje, ne mogu se nadograditi ili nadzidati, odnosno na njima nisu dozvoljeni zahvati koji povećavaju materijalnu vrijednost građevine.

Član 20.

Postojeće građevine društvene infrastrukture koje se zadržavaju ovim planom mogu se rekonstruisati isključivo u funkciji svoje primarne djelatnosti, a na način utvrđen ovom odlukom.

Član 21.

Ne dozvoljavaju se intervencije u prostoru, koje se odnose na građevine svih vrsta, izvan utvrđenih građevinskih linija kojim bi se ostvarilo njihovo približavanje saobraćajnicama.

Izrada urbanističkih projekata

Član 22.

Odobrenje za gradnju građevine društvene infrastrukture na prostorima namijenjenim za tu svrhu može se izdati samo na osnovu prethodno pripremljenog, izrađenog i donesenog urbanističkog projekta.

Površine, u sklopu obuhvata ovog plana, na kojim nije dozvoljena bilo kakva gradnja bez prethodno izrađenih i donesenih urbanističkih projekata su:

- površine rezidencijalnog stanovanja.

Član 23.

Član 7. mijenja i glasi:

"Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-687/01
18. jula 2001. godine
Sarajevo

Predsjedavajuća Gradskog
vijeća prof. dr. **Mira**
Jadrić-Winterhalter, s. r.

Na osnovu člana 54. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99 i 19/99) i čl. 15. i 24. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće, na sjednici održanoj 17. jula 2001. godine, donijelo je

ODLUKU

O REGULACIONOM PLANU "ALIPAŠIN MOST II, III"

Član 1.

Usvaja se Regulacioni plan "Alipašin most II, III" (u daljem tekstu: Plan).

Član 2.

Plan se sastoji od tekstualnog i grafičkog dijela.


Tekstualni dio sadrži:

1. Osnovni podaci o položaju, odnosu prema širem području, prostorno planskim elementima i uvjetima za izradu Regulacionog plana,
 2. Postojeće stanje,
 - 2.1. Prirodni uslovi,
 - 2.2. Stečeni uslovi,
 3. Odnos prema planu višeg reda,
 4. Koncept prostornog uređenja,
 5. Namjena površina,
 6. Razmještaj fizičkih struktura,
 7. Privredne zone i mala preduzeća,
 8. Društvena infrastruktura,
 9. Intervencije u okviru građevinskog fonda,
 10. Rekapitulacija veličina i urbanističko-tehnički pokazatelji.
- Grafički dio sadrži:

1. Izvod iz Urbanističkog plana Grada Sarajeva za urbano područje Sarajevo (Stari grad Sarajevo, Centar Sarajevo, Novo Sarajevo, Novi grad Sarajevo, Ilidža i Vogošća) za period 1986.-2015. g.);
2. Izvod iz programskih elemenata prostornog uređenja;
3. Geodetska podloga;
4. Postojeća namjena, spratnost i bonitet objekata;
5. Postojeća namjena površina i posjedovno stanje;
6. Prostorna organizacija šireg područja;
7. Planirana namjena površina, razmještaj, spratnost i namjena objekata sa jasno naznačenim izmještanjem proizvodnih pogona "Bitumenka" i naznakom nove namjene;
8. Predlog rasporeda arhitektonskih masa i urbanistička kompozicija;
9. Plan rušenja;
10. Mreža regulacionih i građevinskih linija;
11. Prijedlog plana parcelacije;
12. Hortikultura:
 - 12.1. Opis pejzažno-oblikovnog rješenja;
 - 12.2. Idejno rješenje hortikulture.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Službi za urbano planiranje Grada Sarajeva, službi dokumentacije Općine Novi grad Sarajevo i Zavodu za planiranje razvoja Kantona Sarajevo.



Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-696/01

18. jula 2001. godine

Sarajevo

Predsjedavajuća Gradskog

vijeća prof. dr. **Mira****Jadrić-Winterhalter**, s. r.

Na osnovu člana 10. Zakona o lokalnoj samoupravi ("Službene novine Kantona Sarajevo", br. 19/97, 22/97 i 22/00), čl. 37. st. 2. i 56. Zakona o prostornom uređenju ("Službene novine Kantona Sarajevo", br. 13/99 i 19/99) i čl. 15. i 20. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće, na sjednici održanoj 17. jula 2001. godine, donijelo je

ODLUKU**O PROVOĐENJU REGULACIONOG PLANA****"ALIPAŠIN MOST II i III"**

Član 1.

Ovom odlukom utvrđuje se provođenje REGULACIONOG PLANA "ALIPAŠIN MOST II i III", a naročito: granice prostorne cjeline i granice površina raznih namjena, urbanističko-tehnički uslovi za izgradnju građevina i uređenje građevinskog zemljišta, uređenje zelenih i slobodnih površina te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u proizvodnim prostorima.

Član 2.

Granica obuhvata Regulacionog plana "ALIPAŠIN MOST II i III" počinje od raskršća Ulice Bulevar Meše Selimovića i X transversale te polazi u pravcu sjeverozapada idući istočnom stranom X transversale odnosno njenom istočnom stranom (ne obuhvata je), produžava u istom pravcu idući njenom trasom sijekuci ulicu Džemala Bijedića k.č. 4142, a idući preko parcela k.č. 4044/4, 4224 (rijeka Miljacka), 3197, 3791/4 i 3791/3 i dolazi do njenog raskršća sa sjevernom lingitudinalom, produžava u pravcu sjeveroistoka idući trasom sjeverne longitudinalne koju obuhvata idući preko parcela k.č. 3791/3, 3789, 3787, 4224 (rijeka Miljacka), 3785, 3786 i 3781 i izlazi na Ulicu Džemala Bijedića k.č. 4142 čijom sjevernom stranom produžava na sjeveroistok (obuhvata je) i dolazi do raskršća iste i IX transversale, produžava u pravcu jugoistoka idući trasom IX transversale koju obuhvata i dolazi do njenog raskršća sa Ulicom Bulevar Meše Selimovića, produžava u pravcu jugozapada idući sjevernom stranom Ulice Bulevar Meše Selimovića k.č. 4223/5 koju ne obuhvata i dolazi do raskršća sa X transversalom odnosno mjesto odakle je opis granice i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata iznosi cca 13,6 ha.

Član 3.

U sklopu obuhvata ovog plana definisane su zone sa sljedećim namjenama:

A. Zone poslovnih sadržaja,

B. Zone proizvodnih sadržaja.

A. Zone poslovnih sadržaja

Član 4.

Zona poslovnih sadržaja broj 1 obuhvata građevinske parcele 4. i 5.

Granica počinje od tačke broj 1 koja se nalazi na parceli k.č. 4224 udaljenoj od sjeveroistočnog ishodišta lista R=1:1000 broj 202 po y = 331,5 m, a po x = 49 m, ide na zapad trasom projektovane saobraćajnice koju ne obuhvata i dolazi do tačke broj 2 koja se nalazi na parceli k.č. 4108 udaljenoj od sjeverozapadnog ishodišta lista R=1:1000 broj 202 po y = 273 m, a po x = 44,5 m, lomi se idući u pravcu sjevera trasom

novoprojektovane saobraćajnice koju ne obuhvata i dolazi do tačke broj 3 koja se nalazi na parceli k.č. 4108 udaljenoj od sjeverozapadnog ishodišta lista R=1:1000 broj 202 po y = 271 m, a po x = 29 m, produžava na istok idući zaštitnim pojaseom uz Ulicu Džemala Bijedića k.č. 4142 koju ne obuhvata i dolazi do tačke broj 4 koja se nalazi na parceli k.č. 3735/1 udaljenoj od sjeveroistočnog ishodišta lista R=1:1000 broj 202 po y = 349,5 m, a po x = 6 m. Lomi se idući u pravcu juga zapadnom stranom novoprojektovane saobraćajnice koju ne obuhvata te dolazi do tačke broj 1 odnosno mjesta odakle je opis granice Zone poslovnog sadržaja broj 1 i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata iznosi 0,51 ha.

Član 5.

Zona poslovnih sadržaja broj 2 obuhvata građevinske parcele 2 i 3.

Granica počinje od tačke broj 1 koja se nalazi na parceli k.č. 3733/2 udaljenoj od sjeveroistočnog ishodišta lista R=1:1000 broj 202 po y = 318,5 m, a po x = 47 m, ide na sjever istočnom stranom trase novoprojektovane saobraćajnice koju ne obuhvata i dolazi do tačke broj 2 koja se nalazi na parceli k.č. 3735/1 udaljenoj od sjeveroistočnog ishodišta lista R=1:1000 broj 202 po y = 326 m, a po x = 3,5 m.

Lomi se idući na sjeveroistok zaštitnim koridorom uz Ulicu Džemala Bijedića koju ne obuhvata i dolazi do tačke broj 4 koja je udaljena od sjeveroistočnog ishodišta lista R = 1:1000 broj 202 po y = 234 m, a po x = 28 m.

Skreće na zapad idući sjevernom stranom trase projektovane saobraćajnice koju ne obuhvata te dolazi do tačke broj 1 odnosno mjesta odakle je opis granice Zone poslovnih sadržaja broj 2 i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata iznosi 0,36 ha.

Član 6.

Zona poslovnih sadržaja broj 3 sadrži građevinsku parcelu broj 1.

Granica počinje sa tačke broj 1 koja se nalazi na medi između parcela k.č. 3734 i 4224 udaljenoj od sjeveroistočnog ishodišta lista R=1:1000 broj 202 po y = 326 m, a po x = 81 m, ide na sjever u pravoj liniji zapadnom međom parcele k.č. 3734 koju obuhvata u dužini od 20 m skreće na sjeveroistok idući južnom stranom trase novoprojektovane saobraćajnice koju ne obuhvata i dolazi do tačke broj 2 koja je udaljena od sjeveroistočnog ishodišta lista R=1:1000 broj 202 po y = 231 m, a po x = 40 m, skreće u pravcu juga idući zapadnom stranom trase projektovane saobraćajnice koju ne obuhvata i dolazi do tačke broj 3 koja je udaljena od sjeveroistočnog ishodišta lista R=1:1000 broj 202 po y = 216,5 m, a po x = 92,5 m, produžava na sjeverozapad idući trasom projektovane šetnice koju ne obuhvata a koja ide uz desnu obalu regulisanog korita rijeke Miljacke k.č. 4224 (ne obuhvata je) i dolazi do tačke broj 1 odnosno mjesta odakle je opis granice i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata Zone poslovnih sadržaja broj 3 iznosi 0,40 ha.

Član 7.

Zona poslovnih sadržaja broj 4 sadrži građevinske parcele 6, 7, 8, 9, 10 i 11.

Granica počinje od raskršća X transversale i Ulice Džemala Bijedića k.č. 4142 te polazi u pravcu sjeveroistoka idući južnom stranom Ulice Džemala Bijedića k.č. 4142 koju ne obuhvata u dužini od 15 m, skreće na jugoistok idući u pravoj liniji do tačke broj 1 koja se nalazi na parceli k.č. 4078 udaljenoj od sjeverozapadnog ishodišta lista R=1:1000 broj 202 po y = 62 m, a

po $x = 230$ m, lomi se idući na sjeveroistok u pravoj liniji i dolazi do tačke broj 2 koja se nalazi na medi između parcela k.č. 4079 (ulica) i 4078 udaljenoj od sjeverozapadnog ishodišta lista R=1:1000 broj 202 po $y = 141$ m, a po $x = 190$ m, ide na jugozapad putem k.č. 4079 (ne obuhvata ga) u dužini od 10 m, skreće na sjeveroistok, sjever te jugoistok idući trasom novoprojektovane saobraćajnice koju ne obuhvata i izlazi na IX transversalu kojom produžava u pravcu juga idući njenom zapadnom stranom (ne obuhvata je) i dolazi do njenog raskršća sa Ulicom Bulevar Meše Selimovića k.č. 422 kojom produžava na jugozapad idući njenom sjevernom stranom (ne obuhvata je) i dolazi do njenog raskršća sa X transversalom kojom produžava u pravcu sjevera (ne obuhvata je) i dolazi do raskršća X transversale i Ulice Džemala Bijedića k.č. 4142 odnosno mjesta odakle je opis granice Zone poslovnih sadržaja broj 4 i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata iznosi 3,35 ha.

B. Zone proizvodnih sadržaja

Član 8.

Zona proizvodnih sadržaja broj 1 sadrži građevinsku parcelu broj 12.

Granica počinje sa tačke broj 1 koja je udaljena od sjeverozapadnog ishodišta lista R=1:1000 broj 202 po $y = 5,5$ m, a po $x = 131$ m, ide na sjeveroistok u pravoj liniji te dolazi do tačke broj 2 koja je udaljena od sjeverozapadnog ishodišta lista R=1:1000 broj 202 po $y = 77,5$ m, a po $x = 92$ m, lomi se idući na jugoistok u pravoj liniji te dolazi do tačke broj 3 koja se nalazi na medi između parcela k.č. 4143 i 4142 udaljenoj od sjeverozapadnog ishodišta lista R=1:1000 broj 202 po $y = 88,5$ m, a po $x = 110$ m, ide na jugozapad sjevernom stranom Ulice Džemala Bijedića k.č. 4142 koju ne obuhvata i dolazi do njenog raskršća sa trasom X transversale, lomi se idući u pravcu sjevera istočnom stranom X transversale (ne obuhvata je) i dolazi do tačke broj 1 odnosno mjesta odakle je opis granice Zone proizvodnih sadržaja i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata iznosi 0,20 ha.

Član 9.

Zona proizvodnih sadržaja broj 2 sadrži građevinsku parcelu broj 1.

Granica ide od tačke broj 1 koja se nalazi na medi između parcela k.č. 4142 i 4078 udaljenoj sjeverozapadnog ishodišta lista R=1:1000 broj 202 po $y = 29$ m, a po $x = 164,5$ m, ide na sjeveroistok dijelom južne strane ulice Džemala Bijedića k.č. 4142 (ne obuhvata je) te trasom novoprojektovane saobraćajnice kojom nastavlja na istok, jug te jugozapad (ne obuhvata je) i dolazi do tačke broj 2 koja se nalazi na parceli k.č. 4078 udaljenoj od sjeverozapadnog ishodišta lista R=1:1000 broj 202 po $y = 141$ m, a po $x = 190$ m, nastavlja na jugozapad idući u pravoj liniji te dolazi do tačke broj 3 koja se nalazi na parceli k.č. 4078 udaljenoj od sjeverozapadnog ishodišta lista R=1:1000 broj 202 po $y = 62$ m, a po $x = 230$ m, lomi se idući u pravcu sjeverozapada te dolazi do tačke broj 1 odnosno mjesta odakle je opis granice Zone proizvodnih sadržaja broj 2 i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata iznosi 1,34 ha.

Urbanističko-tehnički uvjeti

Član 10.

Urbanističko-tehnički uvjeti:

- građevinske parcele utvrđene su prijedlogom Plana parcelacije;

- regulaciona linija definiše prostor između javne saobraćajnice površine i granice ili površine posjeda pojedinog korisnika unutar kog je isključena bilo kakva izgradnja;
- građevinska linija definiše prostor unutar kojeg je moguća izgradnja arhitektonskih objekata;
- stepen izgrađenosti, tj. odnos bruto građevinske i površine parcele pojedinih korisnika može se kretati između koeficijenata 0,70-3,20;
- procenat pokrivenosti zemljišta, tj. odnos tlocrtne i površine parcele pojedinih korisnika može se kretati između 20 i 75%;
- koeficijenti izgrađenosti i procenti pokrivenosti za pojedinačne parcele mogu se kretati unutar (+-) plus, minus) 2% odstupanja Planom definisanih vrijednosti;
- u slučaju potrebe većeg odstupanja prethodnih pokazatelja za pojedinačan slučaj obavezna saglasnost Nosioca izrade Plana.
- Planom data spratnost zgrada može se mijenjati u okviru datih parametara izgrađenosti i pokrivenosti parcele.
- Suteran je etaža do 1,2 m iznad kote terena na njegovoj najvišoj tački u odnosu na zgradu.
- U okviru obuhvata Plana nema zgrada stambene namjene.
- Planom utvrđene namjene zgrada mogu se mijenjati u okviru djelatnosti date namjenom površina.
- Sve nove zgrade javnog karaktera moraju imati obezbijeden prilaz invalidnim i hendikepiranim licima do nivoa prizemlja, a prema pojedinoj namjeni i važećem standardu.
- Projektovanje i oblikovanje fasada treba prilagoditi postojećem ambijentalnom izrazu susjednih zgrada, tj. primijeniti modernu arhitekturu i savremene materijale sa akcentom na reprezentativnim južnim fasadama (uz bulevar Meše Selimovića i obalu Miljacke).
- Izgradnju novih zgrada, odnosno svaku intervenciju povećanja postojeće izgrađenosti mora pratiti Planom data izgrađenost zatvorenih parking mjesta, odnosno otvorenih parkinga u okviru svoje parcele.

Član 11.

Saobraćajne površine obrađene su u separatu saobraćaja. Investitor je dužan u okviru dodijeljene mu parcele obezbijediti površine za parkiranje, odnosno garažiranje prema važećim normativima za stacionarni saobraćaj, a minimalno prema Planom datim uslovima za pojedinu parcelu.

Član 12.

Proizvodni sadržaji dati namjenom površina podrazumijevaju djelatnost koja ne ugrožava gradsku sredinu, koja ne remeti korišćenje susjednih objekata i sadržaja i koja se vrši u objektima izgrađenim u skladu sa važećim propisima u odnosu na djelatnost koja se u njima vrši.

Član 13.

Proizvodna djelatnost preduzeća "Bitumenka" može se odvijati u okviru sadašnje tehnologije i kapaciteta u trajanju od 3 godine maksimalno 5 godina, što se smatra kao prelazni period do njenog konačnog izmještanja. Nakon ovoga perioda kapaciteti "Bitumenke" trebaju biti prilagođeni novom načinu rada kao poslovno-administrativni objekti bez proizvodnje.

Član 14.

Privremeno izgrađene zgrade i građevine mogu dobiti stalan karakter ukoliko su unutar utvrđenih građevinskih linija i ukoliko intervencijom redizajna zadovolje ostale urbanističko-tehničke uvjete utvrđene Planom.

Član 15.

Privremeno korišćenje javnih površina (kiosci, rashladni uređaji, ljetne bašče i sl.) može se odobriti samo u skladu sa važećim propisima koji reguliraju ovu oblast.

Član 16.

Na građevinama koje su predviđene za rušenje ne mogu se odobriti nikakvi radovi sanacije, održavanja i povećanja građevinske vrijednosti tj. proglašava se demolacija.

Član 17.

Uslovi za sklanjanje korisnika prostora u slučajevima izvanrednih okolnosti moraju biti obezbijeđeni u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

Član 18.

Ova odluka stupa na snagu osam dana nakon objavljivanja u "Službenim novinama Kantona Sarajevo".

Broj 01-02-697/01

Predsjedavajuća Gradskog

18. jula 2001. godine

vijeća prof. dr. **Mira**

Sarajevo

Jadrić-Winterhalter, s. r.

Na osnovu člana 54. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99 i 19/99) i čl. 15. i 24. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće, na sjednici održanoj 17. jula 2001. godine, donijelo je

ODLUKU**O REGULACIONOM PLANU "RTV"**

Član 1.

Usvaja se Regulacioni plan "RTV" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

Obrazloženje Regulacionog plana "RTV".

1. Osnovni podaci o položaju, odnosu prema širem području, prostorno-planskim elementima i uslovima za izradu Regulacionog plana,
 - 1.1. Obuhvat i površina.
2. Postojeće stanje - prirodni i stečeni uslovi,
 - 2.1. Prirodni uslovi,
 - 2.1.1. Geomorfološke karakteristike terena,
 - 2.1.2. Klimatska valorizacija i kategorizacija,
 - 2.2. Stvoreni uslovi,
 - 2.2.1. Stanovništvo i domaćinstva,
 - 2.2.2. Građevinski fond,
 - 2.2.3. Opremljenost obuhvata saobraćajnom i komunalnom infrastrukturom
 - 2.2.4. Snabdijevanje vodom i kanalizacijom,
 - 2.2.5. Elektroenergetika,
 - 2.2.6. Gasifikacija - toplifikacija,

2.2.7. PTT mreža.

3. Odnos prema planu višeg reda,

- 3.1. Odnos prema odredbama (Izmjene i dopune) Urbanističkog plana Grada Sarajeva za period 1986.-2015. godine za urbano područje Sarajevo,
 - 3.2. Programski elementi prostornog uređenja za područje VI transverzale do Stupske petlje,
4. Koncept prostornog uređenja,
 - 4.1. Iskorištenje prostora,
 5. Planirana namjena površina,
 6. Razmještaj fizičkih struktura - model prostorne organizacije,
 7. Intervencija u okviru građevinskog fonda,
 8. Prijedlog rasporeda arhitektonskih masa i urbanistička kompozicija,
 9. Rekapitulacija veličina i urbanističko-tehnički pokazatelji,
 10. Hortikultura.

Grafički dio sadrži:

A) Stanje:

- | | |
|---|---------|
| 1. Geodetska podloga | 1:1000 |
| 2. Katastar podzemnih instalacija | 1:1000 |
| 3. Izvod iz Urbanističkog plana | 1:10000 |
| 4. Izvod iz programskih elemenata područja od VI transverzale do Stupske petlje | 1:4000 |
| 5. Postojeće stanje | 1:1000 |
| 6. Posjedovno stanje | 1:1000 |

B) Projekcija razvoja

- | | |
|--|--------|
| 7. Prostorna organizacija šireg područja | 1:1000 |
| 8. Namjena, razmještaj i spratnost arhitektonskih objekata | 1:1000 |
| 9. Namjena površina | 1:1000 |
| 10. Prijedlog rasporeda arhitektonskih masa i urbanistička kompozicija | 1:1000 |
| 11. Plan rušenja | 1:1000 |
| 12. Mreža građevinskih i regulacionih linija | 1:1000 |
| 13. Prijedlog plana parcelacije | 1:1000 |
| 14. Hortikultura | 1:1000 |

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Službi za urbano planiranje Grada Sarajeva, službi dokumentacije Općine Novi grad Sarajevo i Zavodu za planiranje razvoja Kantona Sarajevo.